



**UNIVERZITET U ZENICI
REKTORAT**

- SENAT -

Broj: 01-02-5-1162/20.

Dana: 16.03.2020. godine

Na osnovu člana 53. Zakona o visokom obrazovanju ("Službene novine Zeničko-dobojskog kantona", broj: 6/09, 09/13, 13/13, 4/15, 5/18 i 4/19) i člana 63. Statuta Univerziteta u Zenici (Prečišćeni tekst), Senat Univerziteta u Zenici na 01. vanrednoj sjednici održanoj 16.03.2020. godine, donio je

ODLUKU

Član 1.

Prihvataju se Zaključci o izmjeni načina realizacije nastavnog procesa na Univerzitetu u Zenici i Preporuke o ponašanju studenata i zaposlenika Univerziteta u Zenici.

Član 2.

Zaključci o izmjeni načina realizacije nastavnog procesa na Univerzitetu u Zenici i Preporuke o ponašanju studenata i zaposlenika Univerziteta u Zenici čine sastavni dio ove Odluke.

Član 3.

Odluka stupa na snagu danom donošenja.

Dostavljeno:

9x OJ Univerziteta u Zenici

1x Islamski pedagoški fakultet

1x a/a

PREDSJEDAVAJUĆI SENATA

Prof.dr.sc. Ilhan Bušatlić

ZAKLJUČCI O IZMJENI NAČINA REALIZACIJE NASTAVNOG PROCESA NA UNIVERZITETU U ZENICI I PREPORUKE O PONAŠANJU STUDENATA I ZAPOSLENIKA UNIVERZITETA U ZENICI

I

1. Nastava koja se organizuje u prostoru i izvan prostora organizacionih jedinica Univerziteta u Zenici se obustavlja počev od 12.03.2020.godine. Organizacione jedinice realizuju online nastavu, prema mogućnostima korištenjem besplatnih platformi, intraneta, e-maila i svih raspoloživih kanala elektronske komunikacije u skladu s mogućnostima
2. Nastava koju nije moguće realizirati online nadoknadit će se po sticanju uslova, a u dogovoru sa asocijacijama studenata OJ.
3. Angažovanje spoljnih saradnika u realizaciji nastavnog procesa se odvija u skladu s tačkom 1. ovog Zaključka.
4. Zadužuju se nastavnici i saradnici Univerziteta u Zenici za intenzivnije konsultacije i komunikaciju sa studentima putem raspoloživih kanala e-komunikacije.
5. Obavezuju se studenti da vrijeme online realizacije nastave maksimalno koriste za učenje i spremanje ispita čiji termini u ovom momentu ostaju u skladu sa već utvrđenim akademskim kalendarom za studijsku 2019/2020. godinu.
6. Zadužuju se rukovodioci i zaposlenici Univerziteta u Zenici – nastavno i nenastavno osoblje, osim onih iz rizičnih kategorija i onih sa manifestnim simptomima respiratornih infekcija, na pojačan rad na radnom mjestu, ali po potrebi i od kuće u smislu: organizacije radnog procesa u promijenjenim uslovima - smanjenje ličnih kontakata, priprema materijala za online nastavu, intenzivne konsultacije i sa studentima putem e-komunikacije, praćenje realizacije online nastave i učenja, pojačane mjere higijene prostora i opreme, pojačana kontrola ulaska u objekte i zadržavanja u istim.
7. Otkazuju se sve aktivnosti koje podrazumijevaju okupljanja i direktne kontakte većeg broja osoba.
8. Već zakazane odbrane diplomskih, magistarskih i doktorskih radova mogu se održavati (bez publike) uz prethodnu saglasnost dekana fakulteta, članova komisije i kandidata, do daljnjeg se otkazuju ispitni termini za apsolvante.
9. Univerzitet u Zenici će nastaviti sa praćenjem epidemiološke situacije i preporuka nadležnih institucija, te postupati u skladu sa istim.
10. Formira se Krizni štab Univerziteta u Zenici kojeg čine rektor, prorektori, dekani i direktori OJ, prof.dr.sc. Lejla Čalkić, predstavnik Unije studenata Univerziteta u Zenici i predsjednik asocijacije studenata Medicinskog fakulteta Univerziteta u Zenici Redžib Direković.
11. Studentima Univerziteta u Zenici smještenim u Studentskom domu Univerziteta u Zenici preporučuje se, da ukoliko za to postoje mogućnosti, ne borave u istom.
12. Studenti Univerziteta u Zenici pojedinačna prava po osnovu statusa studenta mogu ostvarivati na fakultetima uz prethodnu najavu studentskim službama putem e-mail adresa dostupnih na web stranicama fakulteta ili putem zahtjeva u ISSS-u.

II

PREPORUKE O PONAŠANJU STUDENATA I ZAPOSLENIKA UNIVERZITETA U ZENICI - Specifične mjere zaštite za COVID-19 (en. Coronavirus disease-19)

Mjere za sprječavanje unosa i ranu detekciju COVID-19

U skladu s preporukama Svjetske zdravstvene organizacije, kao i u skladu sa Zakonom o zaštiti stanovništva od zaraznih bolesti („Službene novine Federacije BiH“, broj 29/05), potrebno je provesti postupke koji su usmjereni na rano otkrivanje eventualnog slučaja COVID-19 i sprječavanja širenja uzročnika bolesti.

S tim u vezi, za sve studente i zaposlenike koji su unazad 14 dana boravili u Kini, Iranu, Južnoj Koreji, Francuskoj, Njemačkoj i Španiji te koji su doputovali u BiH iz Italije, posebno italijanskih pokrajina Lombardija, Veneto, Emilia Romagna i Pijemont, u trajanju od 14 dana od napuštanja zahvaćenih područja, provodi se:

1. aktivan zdravstveni nadzor (javljanje zdravstvenog stanja teritorijalno nadležnom epidemiologu prema adresi stanovanja/boravka)
2. samoizolacija na temelju rješenja graničnog sanitarnog inspektora o podvrgavanju zdravstvenom nadzoru radi praćenja pojave simptoma respiratornih bolesti.

U smislu navedenih preporuka nužno je provesti i:

- Aktivan zdravstveni nadzor nad zdravim studentima i zaposlenicima koji dolaze iz zahvaćenih područja a nemaju neke od simptoma respiratornih smetnji, što PODRAZUMIJEVA SAMOIZOLACIJU kod kuće ili u studentskom domu (organiziranom smještaju) i pri tome trebaju u prostoriji/sobi boraviti sami. Dakle, kada god je moguće, organizirati da takav student ili zaposlenik boravi sam u sobi te da ne dijeli sobu s drugim osobama.

- Studenti i zaposlenici koji dolaze iz zahvaćenih područja, a imaju neki od simptoma respiratornih smetnji (nagli početak barem jednog od sljedećih simptoma: povišena tjelesna temperatura, kašalj i otežano disanje ('borba za zrak'), obavezno trebaju kontaktirati nadležnu epidemiološku službu.

S obzirom na dinamičan razvoj epidemiološke situacije, kako u BiH i regionu, tako i u Svijetu, navedene preporuke se mogu promijeniti te je stoga nužno pratiti internet stranicu Federalnog zavoda za javno

zdravstvo (<https://www.zzjzfbih.ba/covid-19/>) na kojoj se svakodnevno objavljuju ažurirani podaci vezano uz koronavirus, kao i mjere prevencije.

Opšte mjere zaštite:

Uz navedeno, neophodno je u organiziranom smještaju studenata, kao i u prostorima Univerziteta u Zenici, kao i sanitarnim čvorovima te u prostorima gdje je organizirana ishrana osigurati:

- pranje ruku sapunom i tekućom vodom te sušenje ruku jednokratnim ručnicima ili korištenje dezinficijensa na bazi alkohola

- izostanak sa radnih/nastavnih obaveza zaposlenicima i studentima koji imaju simptome infekcije dišnih puteva, imaju povišenu temperaturu, grlobolju, kašalj i otežano disanje

- redovno a najmanje dva puta dnevno provjetravanje prostorija

- poticanje boravka na otvorenom kada god to vremenske prilike dozvoljavaju.

Studente i zaposlenike podsjećamo na pridržavanje preporuka opštih mjera zaštite:

- redovno pranje ruku sapunom i vodom ili upotreba dezinficijensa na bazi alkohola

- prilikom kašljanja i kihanja potrebno je prekriti usta i nos papirnatom maramicom i poslije je odbaciti u koš za otpatke te operite ruke

- izbjegavati bliski kontakt i neverbalnu komunikaciju (rukovanje, grljenje, ljubljenje) s osobama koje imaju simptome infekcije dišnih puteva, imaju povišenu temperaturu, grlobolju, kašalj i otežano disanje.

UNIVERZITET U ZENICI
SENAT UNIVERZITETA
Broj: 01-02-5-1163/20.
Zenica, 16.03.2020. godine



Na osnovu člana 16. stav (2) alineja 5. Okvirnog zakona o visokom obrazovanju u Bosni i Hercegovini ("Službeni glasnik BiH", broj: 59/07 i 59/09), člana 7. tačka a) Zakona o visokom obrazovanju ("Službene novine Zeničko-dobojskog kantona", broj: 6/09, 09/13, 13/13, 4/15, 5/18 i 4/19) i člana 4. stav (1) tačka e) Statuta Univerziteta u Zenici (Prečišćeni tekst), a u vezi sa članom 1. i **članom 202. stav (5) Zakona o upravnom postupku** („Službene novine FBiH“, broj: 2/98 i 48/99), Senat Univerziteta u Zenici na svojoj 01. vanrednoj sjednici održanoj 16.03.2020. godine, donio je

ODLUKU
o potvrđivanju izbora i imenovanju prof.dr.sc. Ilhana Bušatlića
za prorektora za finansije i razvoj Univerziteta u Zenici

Član 1.

Ovom Odlukom se potvrđuje izbor i imenuje dr.sc. Ilhan Bušatlić, redovni profesor Univerziteta u Zenici, za prorektora za finansije i razvoj Univerziteta u Zenici na mandatni period od 4 (četiri) godine, počev od 31.03.2020. godine.

Član 2.

Ova Odluka stupa na snagu danom donošenja.

Obrazloženje

Senat Univerziteta u Zenici je na svojoj Izornoj sjednici održanoj 30.01.2020. godine donio Prijedlog odluke o izboru prof.dr.sc. Ilhana Bušatlića za Prorektora za finansije i razvoj Univerziteta u Zenici, broj: 01-02-4-460/20. od 30.01.2020. godine, te je isti u prilogu propratnog akta, broj: 01-02-4-470/20. od 03.02.2020. godine, dostavljen Ministarstvu za obrazovanje, nauku, kulturu i sport Zeničko-dobojskog kantona, radi dobijanja prethodne saglasnosti od strane Vlade Zeničko-dobojskog kantona. Obzirom na protok vremena više od 15 dana i neoglašavanje Vlade Zeničko-dobojskog kantona putem Ministarstva za obrazovanje, nauku, kulturu i sport Zeničko-dobojskog kantona, to je Senat Univerziteta u Zenici na svojoj 01. vanrednoj sjednici održanoj 16.03.2020. godine, u skladu s odredbom **člana 202. stav (5) Zakona o upravnom postupku** („Službene novine FBiH“, broj: 2/98 i 48/99), donio Odluku kao u dispozitivu.

Dostavljeno:
1x Prof.dr.sc. Ilhan Bušatlić
1x Dosije imenovanog
1x a/a

ZAMJENIK
PREDSJEDAVAJUĆEG SENATA

Prof.dr.sc. Alaudin Brkić

